

臺灣文獻史料叢刊

第八輯

窺

園

留

草

使

署

閒

情

(合訂本)

臺灣大通書局印行

臺灣文獻叢刊第一二二種

使署閒情

六十七

# 使署閒情卷四

白麓六十七居魯甫輯

## 雜著（二）

### 「重修臺灣府志」序

福建巡撫 陳大受（祁陽人）

海內郡國以千百計，其山川險隘、風土人物與夫往古事蹟，載於史策、稗官、野乘，爲類甚繁。作志者薈萃成編，其取材也既博，其修飾也易工。若乃遐荒外島，自昔未通聲教之地如臺灣者，溯前則無稽，居今則難略；作者於此，蓋不勝視止行遲焉。

我國家聲靈赫濯，海隅日出罔不率俾。臺灣自入版圖，垂今餘六十年，卉服文身之域、茹毛飲血之儔，咸襲冠帶、安耕鑿，俗易風移，駸駸乎有中土之習；大化涵濡，於是爲深且厚矣。郡之有志，自高、劉二君始。比歲給諫六公、侍御范公奉命巡視其地，宣布聖天子德意，撫綏民番，輯寧海疆；政理既已浹和，爰取舊志而重修之，勒成若干卷，屬序於余。余惟東南環海之區，元、明以前，率爲逋逃藪；故事多荒略，而其地亦莫可考。澎湖之名，僅見於「隋史」；臺灣，則明季始稱其名，然不過爲日本、荷蘭停泊互市之地。既無歷代廢興沿革，是非得失之概可資考鏡，亦無文人詞客游歷尋覽之蹟

可以感慨流連，故述之者恒患不文；間有一、二紀載之涉於奇誕，人往往視若「齊諧」之志、「山海」之圖，用廣異聞而已。今觀是書體例嚴密、力大思精，凡旌別淑慝、區畫井疆、戒飭武備諸大政，靡不條分縷晰而詳著之，可謂識其大者矣。而山川之夷險、水土之美惡、番俗之淳頑、物產之豐嗇，纖悉不遺；該治典贍，斐然可觀。以是上諸蘭臺，誠足資廟堂之採訪；且使守土之吏得而習之，土俗民風瞭然心目，所以承流宣化、奉職效官者，悉於是乎在。則是書豈徒作哉！

抑余聞之，臺地幅員廣遠，東番各社禾黍芄芄，比戶殷富，苦於野番間阻，不得列爲王民。邇年以來，聖澤覃敷，野番輸誠歸化者絡繹不絕，傀儡諸山兇番終於革面革心。則臺地將東漸於海，而聲教所訖，必有踵事而增修之者。是又有俟於後之君子！

## 「臺灣紀」跋

陳師範書 蔡世遠（漳浦人）

平南之役，聖天子授鉞推轂於我大將軍施公，而公果以膚功奏。其知人善任，誠千古帝王命將之盛軌哉！顧書思之古今克奏膚功者，皆其謀能果定，熟識情形，深知彼己；是以再戰則已，戰則動出萬全，功成一鼓。今讀公平南始末奏章如「密院專任」「諸疏可謂成算在胸，瞭若指掌矣。然皆不始其始所預策。方康熙六年，公以「邊平機宜」請也，有云：『據澎湖以扼其吭，誠斷必舉；先宜朝廷轉意，如大德勢窮，革心歸命，